

OMUKUETU

N:o 9

SEPTEMBER

1951

EPUTUDO.

Mat. 18: 1-11.

Moohapu dika Omua ota denge tango aalongua je omol uunaa, oje sho ja pula, olje e vule omukua-uo mosilongo shegulu, no penulilo oje ta kumagida omukriste a kotoke shili, oje kaa kale omuhongololi no kaa hcn. ololue.

Cohapu conene Omua te di popi, sho ta popi aanona: Italeni, muua dine nando okamue kaa mboka uushona, oshoka otandi mu lombuele, aajengeli ja io megulu ohaa tala aluhe oshipala sha Tate megulu. Ando a tja, ouo u naajengeli jauo, ando a tumbula oshindji, ihe shoka inashi guana, aue, oje ota guedele po, aajengeli jauo otaa mono aluhe oshipala sha Tate megulu. A fa a hala okutja, otandi mu je aagundjuka, opo mu ja putude naua, oshoka oje oje nondilo koshipala sha Kalunga. Cie ngele tamu ja dini, no inamu hala oku ja sila ohenca, sileni ohenda aajengeli jauo, ja tileni, ooshoka oo ibepo dika doonkondo tadi cikama aluhe koshipala sha Kalunga, otadi mu mono no tadi mu uvu aluhe, ihe odo otadi jakula aanona notadi ja ningile naua aluhe. llongeni oondunge aajengeli, one aantu aafupi, opo one uo mu jakule aanona, no mu ja sile oshmpu, u nuuaje ja dine no muuaje ja hongolole.

Nando tu kale tu nciaka ndika limue alike, Kristus e li popi nokuholola nkene Kalunga Tate ota sile aanona oshimpuju, oljo lja guana oku tu tsejicila nkene oshilonga shoka shokuputuda aanona, osho oshiuanaua shi vule iilonga ajihe jilue. Olje ando ina hala okujakula oomboka taa jakulua kaajengeli mboka taa mono aluhe oshipala sha Kalunga. Onke ano oohe noojina maleli naalongi naavici najehe je li mokati kaaanona oje noku ja jakula nenjanju, oshoka aaua aanene jomegulu itaa sohoni okujakula aanona. Oshinima shika oshotango tu noku shi ilonga moohapu dika.

Noshikuauo osho shika, ejakulo alike inali guana, tu nokukala tuaaje ja hongolole, ihe tu ja putude naua, opo oji ilonge oku alikana, oja kale aadiginini, naainekelua, naavuliki, kaa pop, e oohapu daa felc, ihe muajihe ja monike aajogoki naajuuki. Ehalo lja Kalunga oljo tuu ndjoka, aakuluntu ja putude ngaaka aagundjuka, no je ja kelele pamikalo adihe, jo jaa ninge aantu aajinaji naakolokoshi. Oshoka uuinaji otatu vuka mbala, ngele itau kelelua neputudo li nuupe-nda. Onke ando otu nokudimbulukua aluhe aanona naajengeli jauo, aajengeli tuaaje ja nikice oluhodi, naanona tuaaje ja hongolole.

Pulakena natango Kalunga nkene te ja sile oshimpuju. Ngoka ta tekula okanona ka tja ngeji medina llandje, oje ota tekula ndje. Ihe ongoka ta hongolola kamue komuushona mbuka, ui itaale ndje, she mu opalele, andola a mangelue mocingo je emanja ljoshini e tu umbilua muule uefuta.

Mpaka ope noombinga adihe mhaali. Ngoka ta tekula okaana, no te ka putuda ka kale ka tseja Kalunga, itaka popi oohapu oombuinaji, itaka jaka no-sho tuu, oje ota tekula Kristus muene, ngashi oje ta ti mpaka, ngame tuu ta ningile ndje oshilonga oshiuanaua, ngame tuu ta papatele ndje no ta sile ndje oshimpuju ngashi meme okua li a sile ndje oshimpuju. Oohapu dika ekumagido euanaua netoje. No molua shike Omua ota popi ngaaka? Omolua shoka oje e sbi shi, nkene aanona je hoole okupulakena oohapu oombuinaji, na nkene je shi ku hongololua mbala. Oohapu monika aluhe aapukici, omboka taje ja fala pombambo. Koshipala sha Kalunga otu nokujemata shi-

li, sho pe naamati naakadona jopomimvo omulongo no jopomulongo, na mbaali taa popi oohapu daa fele no domatukano. Oje di longua kulje? Okuaa mboka ja li je noku ja gamenajaaje di uuve, koojina no koohe no kaaleli aatsini. Oshiholelua oshiuinaji tashi taambua nuupu, no tashi dimbulukua mbala shi vule „Tate jetu megulu”. Onshitue ombuinaji onkulu ru ji na atuhe osho ja tja. Ihe otapu landula shike? Kristus ota ti; She mu opalele andola a mangelua mocingo je emanja ljoshini e tu umbilua muule uefuta. Kokutja egeelo ljomuhongololi oljo eso ljokombanda jevi nekuauo ljaaluhe.

Onke ano omuntu oku nokukotoka shili kaa popje nenge kaa longe uuinaji mokati kaagundjuka. Ihe ja ngapi taje shi ningi? Muujuni auhe aantu kaje na ue uujogoki, kaje nuudiginini, kaje neitaalo, no kaje shi ku inekelua. Aakuluntu itaa sohoni okupopja nokulonga iihuna jauo montaneho jaagundjuka. Naagundjuka otaa diladila oje uo otaa vulu okuninga ngashi aakuluntu, najo inaje shi indikua. Ihe Omua Kalunga ota ti ngini? Uujuni sho tau diladila kaku no-shiponga okutumbula oshitja oshiuinaji mokati kaagundjuka, Kristus ota ti; She mu opalele a mangelue emanja ljoshini kocingo je e tu umbilua muule uefuta.

Ano aagundjuka otu noku ja jakula nenjanju, tuaaje ja hongolole tuaa longe uuinaji ua sha montaneho jauo, ihe tu ja kalele oje jaa longe uuinaji ua sha, ihe ja kale ja vulika naua. Omunona ngele ta tumbula oshitja oshiuinaji, oje oku nokugandua shili: „Kala ua sohoni, ino popja ue ngaaka! Omujengeli guoje e ka uvu, noje a haluka nokua soluhodi omolu oshitja sha ta ngaaka! Nomujengeli sho ta soluhodi koshipala sha Kalunga na Kalunga ote shi dimbulula, noje uo ota soluhodi no ta gee. Ino popja uo ngaaka!” Osho ngeji aagundjuka je nokupukululua, opo ja putuke naua no jaa longe uuinaji ua sha. Ihe ekumagido ngele kali nekuaco, aakuluntu oja lombuelua oje noku ja denga niikaha jauo, no jaa zimine nando nando uutisni ua sha. Omua a hala okusinda moomuenjo daakuluntu, oje ja sile aagundjuka oshimpuju, no je je kelele kuuinaji manga je shi kukelelua. Ngele itashi ningua pecimbo ljo, pala, kashi shi kuningua ue komeho. Mpaka taku pulua uupenda shili, oshoka omugundjuka oha taamba mbala. Ngoje ua tumbula oshitja oshiuinaji, nomunona e shi toola, nando ua li u shi, ine shi uva nokuli. Nge ua zi ko, oje ote shi tumbululula no ite shi dimbua ue nando esiku limue. Omugundjuka osho ta jonua mbala, ngele ita silua oshimpuju shili no ita gamenua.

Kaku nuudano mpaka; Omua ota geele shili uulunde mbuka. Nisheue uuanaua ua ningilua okaana oua ningilua Omua nuene. Inima mbika ajihe ijaali naji tu cinde okukala ongaakriste je nokukala. Ngele itatu shi ningi, shi vule ngele tua mangelua emanja ljoshini kocingo no tua umbilua muule uefuta. Ihe ngoka ta putuda naua aagundjuka, no te ja pe oshiholelua oshiuanaua, oje oto opalele Kalunga ngoka te mu futile nejambeko lje.

Kekumagido ndika Kalunga ta guedele po ekuauo, oje sho ta ti, uujuni itau taamba omakumagido, ihe otatu ningi shoka ue shi hala. Omolu uuinaji u' uujuni omahongololo otage ja, onke Omua ota pukulula, omukriste nkene e nokukala. Oje ota hokolola ejele no ta ti: ngele kape nompito jiili, ihe ou nokuja moheli, nenge u nokuca oshikaha shoje nenge okugulu kuoje taku tetua po, nge ua hala megulu, nena ndi shi oto gandja oshiljo shoje, manga ino eca elaago ljaaluhe. Osho uo to gandja eho ljoje, manga ino ja moheli u nomeho agehe gaali. Ihe mpaka kaku nelunduluko, ehongololo tali landulua koheli. Ngoka ta hongongolola na ngoka ta zimine ehongololo, oje ita ji megulu. Omukriste oku nokukala ngiini? Omahongololo gu uda muujuni, no taga kuata omuntu mbala.

Mpaka Omuua ota jamukula: Oshiponga shi li pepi shili. Ngele mua hala oku shi janda, omu noku-ikuata, omu nokuiningila uuehame ua fa mbuka uokugulu nge kua tetua. Pamue u nokuume u mu hoo-
le nohoole ji vule okuhoola eho ljoje nenge oshika-
ba shoje. Ihe ngele ua hala okuka'a omukriste, no
ngele ua hala okucika megulu, ou nokuueci omuhongo-
loli kehe, nando a kale njoko nenge ho, omuleli guo-
je nenge omukesari guoje. Oje ngele omuhongololi, ino
mu landula, nando to ehamekua ngiini. Oshiponga
shokomuenjo sho shi vule ajihe, oshoka ngoka ta
zimine omahongololo, oje oku nokuza momuenjo
no ku nokuja meso.

Ekumagido ndika lja hala oku tu kuatela mooha-
pu, tuua pule oondunge daantu nando ja kale oolje.
Kaku noshiponga shi vule shokuzimina omahongololo.
Osho tashi monika no pomacimbo getu uo. U shi ope
na ve aantu inaa tseja eitaalo ljopakatoli nkene ljo-
pombambo? Ihe nando ongaaka, aantu itaa zi mo, o-
shoka ojo inaa hala okugejica aaua naapangeli jauo,
no inaa hala okuehama omolu eitaalo ljauo. Ojo otaa
tila iikaha nomagulu otaga mono oshiponga, ojo nge-
le taa eca aaua jauo no taa ji ontuku iikalunga. Noo-
pateri osho je ji. Ojo itaa kala iuaa tseja shoka sho-
pombambo. Ojo je shi shi, okuaahokana kuauo nkene
taku vala uulunde ouindji. Ojo je shi shi, eiuvo ljo-
muntu kali shi kuhapekua niiku lja, no kOshililo Oshi-
japuki oku nokutopolua oshikuila nomavinu. Ojo je
shi shi, aantu aajapuki kaje shi kugalikanua. Ihe ojo
itaa eca uunaji u cike mpano, oshoka ojo otaa diladi-
la, nge taje u eca, nena iikaha nomagulu gauo taga
mono oshiponga, ongele taaje eca omalosteri gauo, o-
jo taa ka li-pa ngashi iilema ja njengua okukongela
iipalua jauo. Ojo inaa hala okuehameka, nojo inaa
hala okuehama molu evangeli, ojo ja fa mboka taa di-
ladila okuja moheli niikaha nomagulu nomeho agehe
ku vule okuja megulu ongoshilema.

Osho shoka Omuua Kristus e shi hala, ehongololo
oli nokujandua, puua kale ngoka ta hongololua ku
ngame, oshoka ngele tashi ningua, shi vule nge nda
mangelua emanja kocingo no ndu umbilua muule ue-
futa. Ihe kandi nokuzimina uo ndi hongololue, ihe ndi
nokuikuatela koohapu nokuiuca kudo, ndaa tale aantu
shoka taa ti, ongele taa jolo, nenge ongele oja geja,
ngele otaa ningile ndje naji nenge otaa kuaca ndje.
Osho shoka Omuua Kristus te shi lombuele aakriste
je. Kalunga Tate gnaalthe ne tu gamene nOmbepo
Ondjapuki, omolu Omuua guetu Jesus Kristus, koma-
hongololo agehe. Oje ne tu koleke meitaalo lja shili,
no moohapu de. Oje ne tu fale melaago ljalthe.

Martin Luther.

OMUHONA OMUNENE GUOMU WINDHUK.

Omuhona omunene oje administrateur P. I.
Hoogenhout okua cikama mu Windhuk pamue noma-
lenga ge a talele po iilongo jokOuambo nokOkava-
ngo. Kehe moshilongo okua ada aantu jasho ja gonga-
la je mu tegelela. Oje okua kundacana naantu noku
ja kumagida:

1. Kalunga okua tula aantu kombanda jevi ja
vulikacane, aanona ja vulike kaakuluntu, aacigona ja
vulike komalenga, nomalenga ja vulike kaakuaniilua,
naakuaniilua ja vulike ku foromente. Oshilongo shi
nevulacano, shi nombili, Kalunga ote shi jambeke
no ta kala musho.

2. Kondjeleni ejambuko po ljoshiguana, inamu
kala muukulu ueni. Sho nde ende, onda mono kUu-
ninginino oshiguana shimue shi li konima. Aantu je
li omalutu gouala, inaa putuka. Oshinima tashi kuaca
mejambuko po ljoshiguana osho: oskola. Ondi uete
mokati keni mOndonga aantu je niipala ja ndunge-
pala no muo ondoka. Ihe natango, tumeni aanona je-
ni moskola. Inaku kala omukuluntu nando gumue,
ita tumu aanona je moskola. Ngoka itee shi ningi,
okua tsondumbo noshiguana, a hala shi kale meshu-
nduko. Aanona naa longue okunjola, okulesha, okuta-
kuma nst. — Aantu ja peua uo ompito oku mu ja-
mukula, ngashi omukuaniilua mOndonga a ti: „O-
mbinga ndjoka jokulongua onda hala oku ji kondjela,
aanona ajehe ja je moskola.”

3. Diginineni oku onga omapja nimuna jen.
Aarati mbo haa longo moofarama, ctaje mu kuaca
oondunge oompe dokukuna omapja no dokukala
niimuna. — Humeni komeho muianaua miinima aji-
he. Oshiguana na hi jambuke. Otashi njanjuda ndje,
ngele tandi kundana one mu ii pe tamu hamu kome-
ho, oshoka onde mu halele uuanaua ajihe.

EJAPULO LJONGERKI KEENANA.

Egongalo ljokEenana olja tungulula ongerki jauo.
Oja puu kutungua, no ja japulilua osi ilonga shajo
eti 26 lja Auguste.

Aantu ojendji oja gongalele ko, omboka inaa
guana mongerki je vule oomboka ja guanena mo.
Aahongi ajehe aasuumi ja li ko, naasita aakuanjama
ja li jahamano. Omuhona guokOshikango a li ko uo
nokua popiea aantu nokue ja halele ejambeko lja
Kalunga.

Ongerki jojene jo opalelela shili. Ji nondunda o-
ndendeka pombanda. Oju uda iipundi ja hongua naua.
Omakende go opala, noomuelo di nuulenga. Oaltari
jo opalekua naua, no ji nefano lja Jesus pomushiga-
kano.

Opuu kala enjanju eaene shili okunjanjukililua
esilohenda lja Kalunga. Omagongalo ogendji ga li ga
tumine ko omakundilo gauo nomahalelo gejambeko.

Oshituci sha hulile pombila ja Paulus Hamute-
nja ngoka a li omutamekici guegongalo ljokEenana.
Atuhe tua njanjukilua iilonga ja Kalunga iinene, no
tua li tu uvite, eha ndika oljo ejapuki shili.

KOKAVANGO

oku noluhopo. Omuhongi Suikkanen nguka a ji ko
ngashingeji, ke li naua, a kuacua kuuvu sigo a li e
nokushuna ku Suomi momuedi nguka September.
Mondjila uuvu ue mu kuata isheue noonkondo no
ue mu ciminike a ka konge manga ekuaco moshipa-
ngelo shomu Windhuk. Omukulukadi gue okua kala
ko no puje.

Inapa monika natango omuntu ngoka ta kala
peha ljomuhongi Suikkanen kOkavango. Omusita
Alfeus sho a jonuka po uo numvo, oku na shili
oluhepo lualongi.

Omusita guokOnajena Thomas Nakanjala nomu-
evangeliste guokOkatope Malakia Hauuanga ojo otaa
tuminua ko tango ja ka kuace oshilonga shOmuua
shokOkavango. Natu ja galikaneneni shili ja uape o-
kufalela ko eguano ljejambeko lja Kristus.

INAI HALA OKUHEPEKA OIMALIUA JA TATE!

Okua li ku na oukadona vatatu. Efiku limue ova
ja kosilongo, ndele ovo ova landa osako i jadi oi-
mati. Ndele ova kongu omunu ou e na osihauto e va
humbatele, ndele inave mu mona. Onke va kufa osa-
ko javo, nde tave i hambata. Nde mondjila ova lolu-
ka, ndele avese ve udite itava dudu vali okuhumba-
ta. Umue uavo okua tja: „Osa uapala tu ekelesi osa-
ko ei.” Nomukuao ua ava vatatu okua ti: „Anje
inai hala okuhepeka oimaliua ja Tate. Nokakadona
kakuao oka diladila jo ngaho. Ndele vo va hambata
osako javo fijo okeumbo.

Ovahoolike vakuetu, otua uda nke okaana ke-
nja kua li inaka hala okuhepeka oimaliua ja he. Oko
ka hambata osako idjuu fijo okeumbo. Ehokololo eli
otali tu lombuele nokutja, nafje jo tu ha hepeke oi-
maliua ja Tate.

Kasiimba ua hala okupula nge kutja oimaliua ja
Tate ojo sike? Ove ou si si no kutja Kalunga okue ku
kufa moulunde no kue ku pa omutima mupe. Lunga-
ma hano u ha njateke omutima uoje mupe nonlunde!

Tu lidiinikeni hano tu landuleni ondjila jOmuene
tu he na eloloko.

Ohandi mu kundifile po unene, onje amuse ova-
holike mu Kristus.

Ame K. Friedrich David,

Eindiro ndika otali uvika konjala kehe esiku mokati kaakriste: „Oh galikanene ndje.” Moombrive domauambo jomehalakano kUushimba hatu lesa: „Tu galikaneneni.” Eindilo ndino otali zi mo muule uomueno neid.mbululo ndjoka: Itandi vulu sha auike. Onda pmbua omukwaci. Onke otua pumbuaacani. Omukriste kehe okua pumbua omukuauo.

Eindilo ndino otali zi uo mokutseja oonkondo degalikano odo oonene. Nando nali kale ljomuntu gumue. Dambulukua Daniel sho kua li noshiguana she muupika ua Babel. Daniel okua diginine oku shi galikanena esiku kehe lutatu shi manguluko mo muupika. Egal kaneno lje olju uvika, sha manguluka mo. Daniel 9:1-20.

Egalikaneno ljegongalo oli noonkondo tadi vulu oshindji. Omujapostoli Petrus kua li e edilicua ku Herodes nondo ongo nokua langelicua aakuita oojane noojane kaa ze mo nando. „Ihe egongalo lje mu galikanene Kalunga, inaali zimbuka.” Egalikaneno ljegongalo lju uvika. Kalunga a tumu omujengeli e mu kuca mo mondolongo nomalangelo ndjoka. Iil. 12:1-17. Kalunga ota uvu aagalikaneni. Onke Kalunga a hala aagalikaneni. Kalunga ta pumbua aagalikaneni. Kalunga ta kongo aagalikaneni.

Pecimbo ndino ljaantu ojendji ja kuatua aapika juulunde uoludi kehe, aapika aakueta taa tu indile nokuli egalikaneno. Kaku na omukriste ino indilua. Kalunga ta hala tu indile emanguluko mo muupika. Kalunga ta hala, omukriste kehe a ninge omudiginini okugalikanena omukuauo, omutondi gue, nenge omuhoolike gue. Kalunga ta hala egongalo kehe li diginine okugalikana nokugalikanena. Uunene ecimbo ndika Kalunga a hala okuganja epapuduko. Oshoka je ta ti: „Opomasiku omahuginina -- ongame tandi tilile kombanda jonjama ajihe ombepo jomOmbepo jandje kaana jeni aamati, kaana jeni aakadona, kaagundjuka jeni, kaakuluntu jeni” Iil. 2:17. Ehunganeko ndino inali mana oonkondo daljo mu. Pentekoste amuke, aue, oli li po tai guanicua natango mokati kooitaali je. Omukriste kehe ta diginine egalikano negalikaneno, eluduluko epe otali ja muukriste ue. Egongalo tali diginine okugalikana nokugalikanena tali mono eja mukulo Ombepo Ondjapuki. Epapuduko tali tu indile tali ti: Galikanenii ndje ndi je kune. Jesus ta ti: „Indileni e tamu peua.” Mat. 7.7.

NDA JIUA NA NGAME KIIKUNGULU JUJUNI.

Oohapu dika odo onkugo ja zi momugundjuka a kuatua komutondi, e ta ka holama kUushimba. Iuatu dineni elondodo ljomujapostoli Petrus sho ta ti: „Omutondadi gueni satana ohe mu kundukida ongonime haji ulu, nota kongo ngoka emu ninagule.” 1Petr. 5:8. Otua kundukidua aluhe nokacimbo kehe koonkondo doheli, da hala oku tu fala moheli. Onke ua kuatua kudo:

Esiku ndjoka ua punduka, konga omuhempululicite umu hempululile ejono ljoje mbala. Ino sindua kohoni, hempulula. Tashi ti: tula oombuto deso momutenja dise. „Otse ngele tatu kala muujelele, ngashika oje ha kala muujelele, nena otu nehangano pokati ketu nombinzi jOmuna gue Jesus Kristus otaji tu jogo oondjo detu adihe” 1 Joh. 1:7. Oondjo ngele tadi hempululua po, osho ngeji tadi dipagua di se shili. Oondjo ngele tadi hempululua, osho ngeji to di ninginica mombinzi ja Jesus, itadi ku kanica ue. Oondjo inaadi hempululua, otadi eta ohoni komeho. Aagundjuka ojendji otaa imono ja jono, ela sho lja holoka. Ela oljo ijimati ji imi kondjo jesiku ua longo uulunde.

Aamati ojendji shaa tuu ela lja holoka momukadona ngo ja dana naje uulunde, ohaa faduka po, taa ji kUushimba. Itatu puka ngele tatu ti: Uushimba oshihua shaamati shokuholama, ohoni jauo jaa monike ku mboka je ja shi. Okuholama nkuka kUushimba itaku kuaca omunandjo, oje ta ka mona ouala uudigu, eijuvo lje tali mu hepeke shili. Oshikaha sha Kalunga otashi kala she mu cinda na nkoka uo. Eps. 32:3-4.

Iihuepo ukale megongalo ljaandjeni ua tegelela euco ljegongalo. Otaku ehama shili okukala mo Ouambo una mo omusimbakadona, ihe ojo ondjila jomutedululi a tega eucohenda ndjo.

OHOOLE JOKUHOLA EVI LJETU OJI LI PENI?

Taleni aamati aakueta, otu neni oongunga devi ljetu. Ouambo jetu oja hepa uunene, ndele oluhepo otse tatu ke lu pulua.

Kalunga okue tu tula mevi ljetu. Otu noku li longi nga ngiini ano?

Mpaka ope na eui tali ku icana tali ti: „Ila nku, ila nku, opo u ninge oshilongico shomeke ljangje.” Aagundjuka ne jowala, longiceni uugundjuka. Landuleni Omuaa gueni ne mu mu opalele. Kaleni shili aakuita. Omilema mu di kondjice, opo tuu evi ljetu li ka mone uujelele. Tala eimbilo mehangano 524. Tu pendukeni ano oshoka iiguana ajihe ja hala okuhuma komeho.

Matti lindongo Nankole.

MEGALIKANO MUA ZI EKUACO.

Ongame nda mono uudigu okuja kuandje kUushimba. Aluhe omuenjo guandje gua huama. Onde ja poshilumbu oshiuinaji. Onda le ndi ijake mo, ihe esiku limue nda ka pula oojakueta: „Ondi nokuninga ngini?” Omusamane gumue a ti: „Shimue shi nekuaco. Indila ashike Kalunga. Ngele ui indile uaa nomalimbililo, Kalunga ote ku kuaca shili.” Osho nda ningi aluhe. Eno, Kalunga oje shili ohu uvu. Nena nda mono uupu osigo nena.

Eno aakueta aaholike, Kalunga kesilohenda ohu uvu, ngele ui indile nomuenjo aguhe, nena oje te ku uvu shili. Aaholike jomOmuaa, inatu eceni egalikano. Ope noohapu da tsa ndje omukumo, odo tadi ti: „Onde ji mu lombuele mu kale mu nombili mungame. Muujuni omu nuudigu, ihe ikoleleni, ongame nda sindi uujuni.”

Mateus G.

OHOLE JA PUKA.

Efiku limue omusamane Mateus okua hokololela nge pohungi, nke ovantu vonale kua li hava longifa ohole. A ti: „Omuntu nge e li po omujamba ile omukolokosi, ovantu va hala oku mu dipaa vo tave mu tila, ohava futu kaume kaje, oje e mu dipae.” Ohole ja tja ngaha oja puka sili.

Meengudu dovakriste ohole eji ja puka omo naanaa ili. Unene mufje ovanjasa. Tala u tale vavali ovo tava ti: „Osilisili kaume, ondi ku hole.” Va hondjaunina u tale nge ve li po aveke, nke tava longifa ohole ja puka naji. Vo otave likotokele, vo ove lifila efupa fijo nokuli otave linjono po mou-lunde, vo vati ove lihole. Aje omukueta, ohole ojo to longifa ojo jomutondi naanaa sili.

To dudu ngahelipi okutja ou mu hole, ove to mu tuala mcsiponga sekano. Ohole jatja ngaha oja puka, kaume kange.

Ohole jasili lesa 1Kor. 13: 4-7, omo to mono sili ohole eji jomondjila, nke i na okukala. Ohole ja sili oi na okupukululafana, nokulihalela ouua. Haku-likotokela hakulidipaa, hakulimitika, aje nande efiku limue.

Omukulili uetu Jesus ta ti: „Hola mukueni ngasi ove muene.”

Ovakriste ovakueta tu efeni ohole eji ja puka, osei otai tu mane po atuse sili. Ku na apa to i findi nge ito pula eenkono ku ou a fila oanjuni ause o-molu ohole jaje.

Tu kaleni pefina lomusijakano efimbo alise, opo hatu mono ohole ja sili. Ekundo leni amuse: „Jakulafaneni omitenge, oso ngaha tamu uanifa ompango ja Kristus.” Gal. 6:2.

Omukueni mu Jesus
G. A. Hangula.

OKUAAITAALA OKUO OSHIPONGA.

Onda li moshipangelo mu Swakopmund. Otua li mo mondjugo jetu jane nokamaci kamue. Omue ja ombepo jokuuzilo noja ningi omikici detu ominene. Twa li tua kongo uatalala, ihe kau po. Okanona ki isisida okuja kooha defuta, oko ka mono ko efudo euanaua. Oka galuka mbala kutse, ka hokolola uuanaua mbuka u li ko, no ka ti: „Ileni, tu jeni.” Twa zimine no tua ji sigo kooha defuta, no tua mono efudo euanaua. Mokugaluka tua nuka tua fa tua aaluka nokuli. Omukuetu gumue ine ja kefuta tue mu ada te ehama shili. Tue mu icana e je natse no komatango, ihe a tindi. Otse tua li ko komatango isheue, no tu uvite tua aluka. Ongula sho kua shi tua lalekuu moshipangelo tu li naua, otse mbaka tua li kefuta. Omukuetu ngoka ini itaala etalaleko ljokefuta tue mu cigi ko te ehama natango. Ngoka oti itaale oje ota hupu.

Onda dimbulukua aakulukadi jaali momukunda gumue ja adika komukici. Omukulukadi, Maria e ja ningile egalikano nokua ti: „Ngele tamu ji kOnandjokue, pamue ihuepo.” Gumue okua zimine, okua kuca ko iicilinga je 10 a pangue najo nokua ji. Omukuauo a muena. Ngoka a ji kOnandjokue a ningile ko omasiku gatano, nokua galuka kegumbo e li naua. A galuka iicilinga ihamano, iine ajike ja cigala ko a pangua najo. Oje ta longo mepja lje ta njanjukua. Omukuauo a kongo onganga jokOshitambi, a futu oshikombo nondjuhua, ihe ina aluka, natango ta lala te ehama. Nguka okui itaale, oje tuu a mono ekuaco.

Ongame muene uo ndaa neitaalo. Otwa li moskola nojaakuetu ojendji kOshigambo. Omulongi guetu Efraim Nangombe okue tu hogolola aamati jahamano ja je kOnguediva, koskola jaamati. Nda zimine, ihe kandi neitaalo, nani naakuetu jamue ja fa ndje. Ongula taku shi, onda meneka, nda ji kOndangua ndi mone oholo. Oko nda ada aakuetu mboka kaje neitaalo. Onda pula: „Ongini ano, inamu hala nani koskola?” Ja ti: „Onkaji,” na ngame osho tuu. Atuhejatano tua ji kUushimba tu mone oombulukueja, opo tu je naua koskola aniuu. Omukuetu gumue auike a li e neitaalo, a ji kOnguediva a longua naua. Opo e li natango oku nomizalo dika tua ka kongele. Otse tua ka kongo oonguo, ihe natango katu di na, koskola inatu ja, ajihe katu na, tua citike omakutsi, tua pata omeho. Ngame ondi iuete nda fa omukuetu ngujaka a futu oshikombo nondjuhua konganga, ihe ina aluka. Omukuetu a fa nguka a gandja iicilinga iine noku li naua, ta teja epja lje nokuli.

Ehokololo ndika nali ku ulukile okuaaitaala shoka taku ku longele.

Johannes Eliakim.

ELAGO NDI LI SHI.

Uujuni aube oua li ua puka, ihe Kalunga a tema olampa ojo oJesus Kristus nguka kue tu ihepekele komushigakano. Ngashingeji tu hogololeni ihe pomuenjo nolutu shoka tu tonde po. Ote popi shoka ndi shi shi. Omunelago oje ngoka ta galikana shili ta ti: Omuaa pe ndje oonkondo okudama ketundji ljoje, ndaa gue ko nande nande sigo pamue tuu te hupu!

Tiitus Sebulon.

O O M B I R I V E.

Mateus Johannes, Orangemund, te tu kundu nelaka tali ti: Jelakanifeni eemadi deni eendjila da juka noingundu i ha domoke, ndele si veluke nokuli.

Tobias Kashenje, Orangemund, te tu dimbuluca nkene omukanka gueitaalo letu ogua kola shili.

F. K. Lungameni, Orangemund, te tu tsomukumo okuinekela Kalunga muajibe.

O. A. Sakeus, Outjo, okua dimbulula nkene

ku naantu auanana melundu, maandjauo oshiponga shonala. Uukriste uetu nau monike nokegumbo.

David Ananias, Orangemund, te tu dimbuluca oolampa det deitaalo di kale da tema shili.

Sakeus Simon, Otjiwarongo, a haluka sho a mono, nkene omumati a teka okooko. Esiku ljombadilila itali teejika, tu ilongekideni ku jele.

Nd. J. Abraham, Swakopmund, a mono nkene uutoje u' uujuni kau nekuaco, ihe oondjo detu tu di fale komushigakano guOmuaa, opo tatu ningi aanelago megulu.

Konis Nailenge, Abenab Mine, oje ota ti: Uunene fieni ovangundjuka tu kondjeni sili tu fike ku Jesus mu-gundjuka uetu mu monike oijimati jeli-dilululo la sili.

Lasarus Jakob, Tsumeb, ote tu kundu ta ti: Eendjovo dOmuaa odaluse nodo osili, nadi kale mufje di tu longe.

Simon Shovaleka, Windhoek, te tu tumine ekundo: Ombili nai kale nanje.

Johannes Petrus, Orangemund, a dimbulula nkene tua li nale muupika uomutondi, ihe tua mangu-lulua ku Kristus, ngashika auambo ja li je nokulonga iilonga iidigu nale ku Orangemund, ihe ngashingeji oja mangululua komasina tage ji longo.

Erkki Martin, Windhoek, oku noshimpuju omolu omahngololo gu uda muujuni, nojendji nkene otaa kuatelu kugo.

Frans Shikeva, Luderitsbaai, a haluka sho a mono nkene omulumentu a dipagua omolu iikolica.

Paulus Shihepo, Windhoek, ote tu lombuele: Moilando iinene kese umue oku nokukala nombapila jokuenda najo. Ngeenge ue i fija po ndele tu hangua kovapolifi uhe kuete, ou nakukuatuo nokuja mandolongo. Ope na ojo tue i peua ku Tate Kalunga tu ende najo oufiku nomutenja, oje Jesus Kristus ou epa monjuni tu mu konge, tu kale tu na Jesus mee-muenjo detu, ope omutondi na tane ovatumua vaje ihava duli ku tu kuata sasi otu na Omukulili Jesus.

Naftali Amagulu, Windhoek, ota hokolola nkene okui ihololelua ku Jesus Kristus mondjodi, a mono omeja ogendji ga fa e, elu tage mu sikile, onke ta ti: Natu engene kOmuaa.

Jason Gideon, Windhoek, ota ti: Jesus tatu ke mu tsakaneka ngini sho te ja okuiila ngoka a kuna sha momuenjo gue, ngele katu niija. Tu kondjeni tu iimike iijimati.

Silvanus Nashilongo, Windhoek, okua mono Jesus mondjodi, onke ta ti: Natu kale hatu endacana na Kalunga Tate nOmuaa guetu Jesus.

Aron Jafet, Tsumeb, oku noshimpuju tuua kanice ecimbo monjalo, oshoka onjalo ekota moka hamu tutuma uuinaji kehe.

Stefanus Iiteua ota ti: Oonkondo dombinzi jomushigakano gua Kristus tagu jogo omulunde oondjode.

Hofni Erastus, Fransfontein, te tu dimbuluca nkene Kalunga ta tegelele tu iimike iijimati.

Timoteus Egumbo, Uukwambi, ota hokolola, nkene ali a tondo naie aakriste ihe nkene Omuaa e mu holokele. Oje ota ti ngeji: Mokulala onda mono egulu, nkene lje eguluka, nuujelele ua za pombanda ua tsa pevi no mua kuluka aantu aatokele je nomavava nomatestamenti nomaimbilo oja imbila nge 401. Nge lja pu onda mono mekolo ljangje mu nomuntu a zala onguo ontiligane. Gumue a ti: „Itaala doka tandi di ku lombuele. Penduka, lesa oohapu dandje. Ongame Jesus, nde ja molupe luonguo ontiligane, ojo ombinzi ndjika ua kulilua najo. Itaala ano ngu ze mo moonkatu duupagani.”

Emoniko ndika lje mu hilile muukriste nokua mono muukriste omu nenjanju li vule ljuupagani, onke te tu lombuele, tu kondjeni uusiku nomutenja tu igandjeni kOmuaa Jesus, tu sindeni muajibe.

Petrus Gabriel, Ontananga, ote tu dimbuluca ondambi juudiginini, oshoka omumati omudiginini ota peua oshishani shomuenjo.

Edward Leonard, Oshitaji, ota ti: Ino kumua uudidigu tau ku ada, ikolelela shili, oshoka Omuaa nge ta holoka otatu ke mu mona ngashi e li.